

RIALACHÁN CUR CHUN FEIDHME (AE) 2022/2457 ÓN gCOIMISIÚN
an 14 Nollaig 2022

lena leasaítear Rialachán Cur Chun Feidhme (AE) 2017/1993 lena bhforchuirtear dleacht frithdhumpála chinntitheach ar allmhairí fabraicí mogaill oscailte áirithe as snáithíní gloine de thionscnamh Dhaon-Phoblacht na Síne arna leathnú chun allmhairí fabraicí mogaill oscailte áirithe as snáithíní gloine arna gcur chun bealaigh ón India, ón Indinéis, ón Malaeisia, ón Téaváin agus ón Téalainn a chumhdach, bíodh dearbhú ann gur de thionscnamh na dtíortha sin iad nó ná bíodh

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2016/1036 ó Pharlaimint na hEorpa agus ón gComhairle an 8 Meitheamh 2016 maidir le cosaint i gcoinne allmhairí dumpáilte ó thíortha nach baill den Aontas Eorpach iad ⁽¹⁾ (“an bun-Rialachán frithdhumpála”), agus go háirithe Airteagal 13(4) agus Airteagal 14(5) de,

Ag féachaint do Rialachán Cur Chun Feidhme (AE) 2017/1993 ón gCoimisiún an 6 Samhain 2017 lena bhforchuirtear dleacht frithdhumpála chinntitheach ar allmhairí fabraicí mogaill oscailte áirithe as snáithíní gloine de thionscnamh Dhaon-Phoblacht na Síne arna leathnú chun allmhairí fabraicí mogaill oscailte áirithe as snáithíní gloine arna gcur chun bealaigh ón India, ón Indinéis, ón Malaeisia, ón Téaváin agus ón Téalainn a chumhdach, bíodh dearbhú ann gur de thionscnamh na dtíortha sin iad nó ná bíodh, tar éis athbhreithniú éaga de bhun Airteagal 11(2) de Rialachán (AE) 2016/1036 ó Pharlaimint na hEorpa agus ón gComhairle ⁽²⁾,

De bharr an mhéid seo a leanas,

1. NA BEARTA ATÁ I bhFEIDHM

- (1) Le Rialachán (AE) Uimh. 791/2011 ⁽³⁾, d’fhorchuir an Chomhairle dleachtanna frithdhumpála chinntitheacha ar allmhairí fabraicí mogaill oscailte áirithe as snáithíní gloine de thionscnamh Dhaon-Phoblacht na Síne.
- (2) Tar éis imscrúduithe frith-imchéimniúcháin a dhéanamh, leathnaíodh na bearta sin le Rialachán Cur Chun Feidhme (AE) Uimh. 672/2012 ⁽⁴⁾, (AE) Uimh. 21/2013 ⁽⁵⁾ agus (AE) Uimh. 1371/2013 ⁽⁶⁾ ón gComhairle, arna leasú go deireanach le Rialachán Cur Chun Feidhme (AE) 2018/1711 ón gCoimisiún ⁽⁷⁾, chun allmhairí fabraicí mogaill oscailte áirithe as snáithíní gloine arna gcur chun bealaigh ón India, ón Indinéis, ón Malaeisia, ón Téaváin agus ón Téalainn a chumhdach, bíodh dearbhú ann gur de thionscnamh na dtíortha sin iad nó ná bíodh, cé is moite díobh sin a tháirgeann Montex Glass Fibre Industries Pvt. Ltd. agus Pyrotek India Pvt. Ltd.

⁽¹⁾ IO L 176, 30.6.2016, lch. 21.

⁽²⁾ IO L 288, 7.11.2017, lch. 4.

⁽³⁾ Rialachán Cur Chun Feidhme (AE) Uimh. 791/2011 ón gComhairle an 3 Lúnasa 2011 lena bhforchuirtear dleacht frithdhumpála chinntitheach agus lena mbailítear go chinntitheach an dleacht shealadach arna forchur ar allmhairí fabraicí mogaill oscailte áirithe as snáithíní gloine de thionscnamh Dhaon-Phoblacht na Síne (IO L 204, 9.8.2011, lch. 1).

⁽⁴⁾ Rialachán Cur Chun Feidhme (AE) Uimh. 672/2012 ón gComhairle an 16 Iúil 2012 lena leathnaítear an dleacht frithdhumpála chinntitheach a fhorchuirtear le Rialachán Cur Chun Feidhme (AE) Uimh. 791/2011 maidir le hallmhairí fabraicí mogaill oscailte áirithe as snáithíní gloine de thionscnamh Dhaon-Phoblacht na Síne chun allmhairí fabraicí mogaill oscailte áirithe as snáithíní gloine arna gcur chun bealaigh ón Malaeisia a chumhdach, bíodh dearbhú ann gur de thionscnamh na Malaeisia iad nó ná bíodh (IO L 196, 24.7.2012, lch. 1).

⁽⁵⁾ Rialachán Cur Chun Feidhme (AE) Uimh. 21/2013 ón gComhairle an 10 Eanáir 2013 lena leathnaítear an dleacht frithdhumpála chinntitheach a fhorchuirtear le Rialachán Cur Chun Feidhme (AE) Uimh. 791/2011 maidir le hallmhairí fabraicí mogaill oscailte áirithe as snáithíní gloine de thionscnamh Dhaon-Phoblacht na Síne chun allmhairí fabraicí mogaill oscailte áirithe as snáithíní gloine arna gcur chun bealaigh ón Téaváin agus ón Téalainn a chumhdach, bíodh dearbhú ann gur de thionscnamh na Téaváine agus na Téalainne iad nó ná bíodh (IO L 11, 16.1.2013, lch. 1).

⁽⁶⁾ Rialachán Cur Chun Feidhme (AE) Uimh. 1371/2013 ón gComhairle an 16 Nollaig 2013 lena leathnaítear an dleacht frithdhumpála chinntitheach a fhorchuirtear le Rialachán Cur Chun Feidhme (AE) Uimh. 791/2011 maidir le hallmhairí fabraicí mogaill oscailte áirithe as snáithíní gloine de thionscnamh Dhaon-Phoblacht na Síne chun allmhairí fabraicí mogaill oscailte áirithe as snáithíní gloine arna gcur chun bealaigh ón India agus ón Indinéis a chumhdach, bíodh dearbhú ann gur de thionscnamh na hIndia agus na hIndinése iad nó ná bíodh (IO L 346, 20.12.2013, lch. 20).

⁽⁷⁾ Rialachán Cur Chun Feidhme (AE) 2018/1711 ón gCoimisiún an 13 Samhain 2018 lena leasaítear Rialachán Cur Chun Feidhme (AE) Uimh. 1371/2013 ón gComhairle a mhéid a bhaineann le dáta chur i bhfeidhm na ndíolúintí arna ndeónú do tháirgeoirí onnmhairiúcháin de chuid na hIndia (IO L 286, 14.11.2018, lch. 12).

- (3) Leathnaíodh na bearta sin a thuilleadh le Rialachán Cur Chun Feidhme (AE) Uimh. 976/2014 ón gCoimisiún ⁽⁸⁾, chun allmhairí fabraicí mogaill oscailte as snáithíní gloine atá modhnaithe beagán a chumhdach.
- (4) Na bearta atá i bhfeidhm faoi láthair, is le Rialachán Cur Chun Feidhme (AE) 2017/1993 a forchuireadh iad, tar éis athbhreithniú éaga, arna leasú le Rialachán Cur Chun Feidhme (AE) 2018/788 ón gCoimisiún ⁽⁹⁾ lenar deonaidh díolúine do SPG Glass Fibre PVT. Ltd.

2. NÓS IMEACHTA

2.1. Iarraidh ar dhíolúine

- (5) An 23 Lúnasa 2021, fuair an Coimisiún Eorpach (“an Coimisiún”) iarratas ar dhíolúine ó na bearta frithdhumpála is infheidhme maidir le hallmhairí fabraicí mogaill oscailte áirithe as snáithíní gloine arna gcur chun bealaigh ón India, bíodh dearbhú ann gur de thionscnamh na hIndia iad nó ná bíodh. Ba é an chuideachta Urja Products Private Limited (“an t-iarratasóir”) a rinne an iarraidh.
- (6) Bhí fianaise san iarraidh gur tháirgeoir onnmhairiúcháin nua a bhí san iarratasóir agus gur chomhlíon sé na critéir le haghaidh díolúine de bhun Airteagal 13(4) den bhun-Rialachán frithdhumpála, mar atá: (1) nár onnmhairigh sé an táirge faoi athbhreithniú chuig an Aontas le linn na tréimhse imscrúdúcháin ar a mbunaítear na bearta, is é sin ón 1 Aibreán 2012 go dtí an 31 Márta 2013 (“an tréimhse imscrúdúcháin bhunaidh”); (2) nach bhfuil gaol aige le haon cheann de na honnmhaireoirí ná na táirgeoirí atá faoi réir bearta frithdhumpála a fhorchuirtear leis an Rialachán bunaidh; (3) go bhfuil an táirge lena mbaineann onnmhairithe aige go hiarbhír nó tá oibleagáid chonarthaigh neamh-inchúlghairthe air méid suntasach a onnmhairiú chuig an Aontas tar éis dheireadh na tréimhse imscrúdúcháin bunaidh, agus (4) nach raibh sé i mbun cleachtais imchéimniúcháin.
- (7) Chinn an Coimisiún gur leor an fhianaise a bhí san iarraidh chun údar cuí a thabhairt le himscrúdú a thionscnamh de bhun Airteagal 13(4) den bhun-Rialachán frithdhumpála chun a chinneadh an féidir díolúine ó na bearta leathnaithe a dheonú don iarratasóir.

2.2. Tionscnamh

- (8) An 20 Aibreán 2022, le Rialachán Cur Chun Feidhme (AE) 2022/651 ⁽¹⁰⁾, thionscain an Coimisiún an t-athbhreithniú ar Rialachán Cur Chun Feidhme (AE) 2017/1993 chun a chinneadh an féidir díolúine a dheonú don iarratasóir. Leis an Rialachán céanna, d’aisghair an Coimisiún na dleachtanna frithdhumpála arna bhforchur le Rialachán Cur Chun Feidhme (AE) 2017/1993 i ndáil le hallmhairí an táirge faoi athbhreithniú ag an iarratasóir, agus d’ordaigh sé do na húdaráis chustaim na céimeanna iomchuí a thabhairt chun allmhairí den sórt sin a chlárú (“an Rialachán tionscnaimh”).

⁽⁸⁾ Rialachán Cur Chun Feidhme (AE) Uimh. 976/2014 ón gCoimisiún an 15 Meán Fómhair 2014 lena leathnaítear an dleacht frithdhumpála chinntitheach a fhorchuirtear le Rialachán Cur Chun Feidhme (AE) Uimh. 791/2011 maidir le hallmhairí fabraicí mogaill oscailte áirithe as snáithíní gloine, de thionscnamh Dhaon-Phoblacht na Síne, chun allmhairí fabraicí mogaill oscailte áirithe as snáithíní gloine atá modhnaithe beagán ar de thionscnamh Dhaon-Phoblacht na Síne iad freisin a chumhdach (IO L 274, 16.9.2014, lch. 13).

⁽⁹⁾ Rialachán Cur Chun Feidhme (AE) 2018/788 ón gCoimisiún an 30 Bealtaine 2018 lena leasaítear Rialachán Cur Chun Feidhme (AE) 2017/1993 lena bhforchuirtear dleacht frithdhumpála chinntitheach ar allmhairí fabraicí mogaill oscailte áirithe as snáithíní gloine de thionscnamh Dhaon-Phoblacht na Síne arna leathnú chun allmhairí fabraicí mogaill oscailte áirithe as snáithíní gloine arna gcur chun bealaigh ón India, ón Indinéis, ón Malaesia, ón Téaváin agus ón Téalainn a chumhdach, bíodh dearbhú ann gur de thionscnamh na dtíortha sin iad nó ná bíodh, tar éis athbhreithniú éaga de bhun Airteagal 11(2) de Rialachán (AE) 2016/1036 ó Pharlaimint na hEorpa agus ón gComhairle (IO L 134, 31.5.2018, lch. 5).

⁽¹⁰⁾ Rialachán Cur Chun Feidhme (AE) 2022/651 ón gCoimisiún an 20 Aibreán 2022 lena dtionscnaítear athbhreithniú ar Rialachán Cur Chun Feidhme (AE) 2017/1993 lena bhforchuirtear dleacht frithdhumpála chinntitheach ar allmhairí fabraicí mogaill oscailte áirithe as snáithíní gloine de thionscnamh Dhaon-Phoblacht na Síne arna leathnú chun fabraicí mogaill oscailte áirithe as snáithíní gloine arna gcur chun bealaigh ón India, ón Indinéis, ón Malaesia, ón Téaváin agus ón Téalainn a chumhdach, bíodh dearbhú ann gur de thionscnamh na dtíortha sin iad nó ná bíodh, chun a chinneadh an féidir díolúine ó na bearta sin a dheonú do tháirgeoir onnmhairiúcháin amháin de chuid na hIndia, lena n-aisghairtear an dleacht frithdhumpála maidir le hallmhairí ón táirgeoir onnmhairiúcháin sin agus lena gcuirtear na hallmhairí ón táirgeoir onnmhairiúcháin sin faoi réir a gcláraithe (IO L 119, 21.4.2022, lch. 68).

- (9) D'iarr an Coimisiún ar na páirtithe leasmhara teagmháil a dhéanamh leis chun bheith rannpháirteach san imscrúdú athbhreithniúcháin. Bhí deis ag na páirtithe leasmhara uile barúil a thabhairt maidir le tionscnamh an imscrúdaithe agus éisteacht a iarraidh leis an gCoimisiún nó leis an Oifigeach Éisteachta in imeachtaí trádála, nó leis an dá cheann acu, laistigh de na tréimhsí ama a leagtar síos le Rialachán Cur Chun Feidhme (AE) 2022/651. Ní bhfuarthas aon bharúil ná iarraidh ar éisteacht.

2.3. An táirge faoi athbhreithniú

- (10) Is éard atá sa táirge atá faoi athbhreithniú fabraicí mogaill oscailte as snáithíní gloine, ar de mhéid cille is mó ná 1,8 mm de réir fada agus leithid araon iad, ina bhfuil meáchan is mó ná 35 g/m², gan dioscaí snáithínghloine a áireamh, arna gcur chun bealaigh ón India, bíodh dearbhú ann gur de thionscnamh na hIndia iad nó ná bíodh, atá faoi láthair faoi chóid AC ex 7019 63 00, ex 7019 64 00, ex 7019 65 00, ex 7019 66 00 agus ex 7019 69 90 (cóid TARIC 7019630014, 7019640014, 7019650014, 7019660014 agus 7019699014). Is ar mhaithe le faisnéis amháin a thugtar cóid AC agus TARIC.
- (11) Tá méideanna cille éagsúla agus meáchain éagsúla in aghaidh an mhéadair chearnaigh i gceist le fabraicí mogaill oscailte áirithe as snáithíní gloine, agus den chuid is mó úsáidtear iad mar ábhar treisiúcháin in earnáil na tógála (inlú teirmeach seachtrach, treisiú urláir, agus deisiú ballaí).

2.4. Tréimhse imscrúdúcháin an athbhreithnithe

- (12) Chumhdaigh tréimhse imscrúdúcháin an athbhreithnithe an tréimhse ón 1 Aibreán 2012 go dtí an 31 Nollaig 2021 ("tréimhse imscrúdúcháin an athbhreithnithe").

2.5. Imscrúdú

- (13) D'iarr an Coimisiún ar an iarratasóir ceistneoir a chomhlánú chun go bhfaigheadh sé an fhaisnéis a mheas sé a bheith riachtanach le haghaidh a imscrúdaithe. Chuir an t-iarratasóir an freagra ar an gceistneoir isteach an 2 Meitheamh 2022.
- (14) Ina dhiaidh sin rinne an Coimisiún cuairt fíorúcháin ar áitreabh an iarratasóra i mí Mheán Fómhair 2022. D'fhéach an Coimisiún le gach faisnéis a mheas sé a raibh gá léi a dheimhniú lena chinneadh ar chomhlíon an t-iarratasóir na coinníollacha riachtanacha.

3. TORTHAÍ

- (15) Maidir le coinníoll (1), rinne an Coimisiún tagairt do na torthaí roimhe seo ⁽¹⁾, is é sin nár tháirg an t-iarratasóir an táirge atá faoi imscrúdú nó nár onnmhairigh sé chuig an Aontas é le linn na tréimhse imscrúdúcháin bunaidh. Dá bhrí sin, cinneadh gur comhlíonadh coinníoll (1).
- (16) Maidir le coinníoll (2), sainaithníodh san imscrúdú roinnt cuideachtaí gaolmhara, is iad sin Jayatma Industries Ltd a phléann le teicstílí agus éadaí, Mihikita Enterprises Ltd a phléann le tógáil agus foirgníocht agus Denis Chem Lab Ltd a phléann le feistí leighis. Ní raibh baint ag aon cheann de na cuideachtaí sin le táirgeadh, próiseáil, díol ná ceannach an táirge faoi athbhreithniú. Dá bhrí sin, cinneadh gur comhlíonadh coinníoll (2).
- (17) Maidir le coinníoll (3), d'onnmhairigh an t-iarratasóir an táirge faoi athbhreithniú chuig dhá chuideachta san Aontas in 2021. Dá bhrí sin, cinneadh gur chomhlíon an t-iarratasóir coinníoll (3).
- (18) Ar deireadh, le linn an imscrúdaithe, cinneadh gur tháirg an t-iarratasóir an méid iomlán a d'onnmhairigh sé chuig an Aontas. Cinneadh freisin nár allmhairigh an t-iarratasóir aon amhábh ar ón tSín chun an táirge faoi athbhreithniú a tháirgeadh. Dá bhrí sin, deimhníodh san imscrúdú nach raibh an t-iarratasóir i mbun cleachtais imchémniúcháin mar a shainmhínítear in Airteagal 13 den bhun-Rialachán. Dá bhrí sin, chinn an Coimisiún gur comhlíonadh coinníoll (4) freisin.

⁽¹⁾ I gcomhréir le haithris (50) de Rialachán (AE) Uimh. 1371/2013, chinn an Coimisiún "nach dtáirgeann Urja Products an táirge atá faoi athbhreithniú".

- (19) Dá réir sin, chinn an Coimisiún gur chomhlíon an t-iarratasóir na critéir de bhun Airteagal 13(4) den bhun-Rialachán frithdhumpála. Dá bhrí sin, ba cheart díolúine ó na bearta frithdhumpála atá i bhfeidhm a thabhairt don iarratasóir i gcomhréir le Rialachán Cur Chun Feidhme (AE) 2017/1993.
- (20) Dá bhrí sin, ba cheart Rialachán Cur Chun Feidhme (AE) 2017/1993 a leasú dá réir.

4. MODHNÚ AR LIOSTA NA gCUIDEACHTAÍ A THAIRBHÍONN DE DHÍOLÚINE Ó NA BEARTA LEATHNAITHE

- (21) I bhfianaise na dtorthaí dá dtagraítear thuas, agus de bhun Airteagal 13(4) agus Airteagal 11(4) den bhun-Rialachán, chinn an Coimisiún gur cheart an t-iarratasóir a chur le liosta na gcuideachtaí atá díolmhaithe ó na bearta frithdhumpála arna bhforchur le Rialachán Cur Chun Feidhme (AE) 2017/1993.
- (22) Cuireadh in iúl don t-iarratasóir agus do thionscal an Aontais go raibh sé beartaithe ag an gCoimisiún díolúine a thabhairt do Urja Products Private Limited ó na bearta frithdhumpála atá i bhfeidhm.
- (23) Tugadh an deis do na páirtithe barúlacha a chur isteach. Ní bhfuarthas aon bharúil.
- (24) Tá an Rialachán i gcomhréir leis an tuairim ón gCoiste a bunaíodh le hAirteagal 15(1) de Rialachán (AE) 2016/1036.

TAR ÉIS AN RIALACHÁN SEO A GHLACADH:

Airteagal 1

Míreanna (1) agus (3) d'Airteagal 1 de Rialachán (AE) 2017/1993, arna leasú le Rialachán Cur Chun Feidhme (AE) 2018/788 ón gCoimisiún, cuirtear an méid seo a leanas ina n-ionad:

“1. Forchuirtear leis seo dleacht frithdhumpála cinntitheach ar allmhairí fabraicí mogaill oscailte as snáithíní gloine, ar de mhéid cille is mó ná 1,8 mm de réir fada agus leithid araon iad, ina bhfuil meáchan is mó ná 35 g/m², gan dioscaí snáithínghloine a áireamh, atá faoi láthair faoi chóid AC ex 7019 63 00, ex 7019 64 00, ex 7019 65 00, ex 7019 66 00 agus ex 7019 69 90 (cóid TARIC 7019 63 00 19, 7019 64 00 19, 7019 65 00 18, 7019 66 00 18, agus 7019 69 90 19), agus ar de thionscnamh Dhaon-Phoblacht na Síne iad.”

“3. An dleacht chinntitheach frithdhumpála is infheidhme maidir le hallmhairí de thionscnamh Dhaon-Phoblacht na Síne, mar a leagtar amach i mír 2, leis seo déantar í a leathnú chun allmhairí fabraicí mogaill oscailte áirithe (a aicmítear faoi láthair faoi chóid AC 7019 63 00, ex 7019 64 00, ex 7019 65 00, ex 7019 66 00 agus ex 7019 69 90), arna gcur chun bealaigh ón India agus ón Indinéis a chumhdach, bíodh dearbhú ann gur de thionscnamh na hIndia agus na hIndinése iad nó ná bíodh (cóid TARIC 7019 63 00 14, 7019 63 00 15, 7019 64 00 14, 7019 64 00 15, 7019 65 00 14, 7019 65 00 15, 7019 66 00 14 7019 66 00 15, 7019 69 90 14, agus 7019 69 90 15)), cé is moite de na cinn sin a tháirgeann Montex Glass Fibre Industries Pvt. Ltd (cód breise TARIC B942), Pyrotek India Pvt. Ltd (cód breise TARIC C051), SPG Glass Fibre Pvt. Ltd (cód breise TARIC C205) agus Urja Products Private Limited (cód breise TARIC C861), chun allmhairí na bhfabraicí mogaill oscailte céanna arna gcur chun bealaigh ón Malaeisia a chumhdach, bíodh dearbhú ann gur de thionscnamh na Malaeisia iad nó ná bíodh (cóid TARIC 7019 63 00 11, 7019 64 00 11, 7019 65 00 11, 7019 66 00 11 agus 7019 69 90 11), agus chun allmhairí na bhfabraicí mogaill oscailte céanna arna gcur chun bealaigh ón Téaváin agus ón Téalainn a chumhdach, bíodh dearbhú ann gur de thionscnamh na Téaváine agus na Téalainne iad nó ná bíodh (cóid TARIC 7019 63 00 12, 7019 63 00 13, 7019 64 00 12, 7019 64 00 13, 7019 65 00 12, 7019 65 00 13, 7019 66 00 12, 7019 66 00 13, 7019 69 90 12 agus 7019 69 90 13).

Beidh cur i bhfeidhm na díolúine arna deonú do Montex Glass Fibre Industries Pvt. Ltd, Pyrotek India Pvt. Ltd, SPG Glass Fibre PVT. Ltd agus Urja Products Private Limited coinníollach ar shonrasc tráchtála bailí a chur faoi bhráid údarais chustaim na mBallstát, sonrasc a chomhlíonfaidh na ceanglais a leagtar amach in Iarscríbhinn II a ghabhann leis an Rialachán seo. Mura gcuirtear an sonrasc sin isteach, beidh feidhm ag an dleacht frithdhumpála mar a fhorchuirtear le mír 1.”

Airteagal 2

(1) Ordaítear leis seo do na húdaráis chustaim scor de chlárú na n-allmhairí arna bhunú i gcomhréir le hAirteagal 3 de Rialachán Cur Chun Feidhme (AE) 2022/651.

(2) Ní ghearrfar dleacht chinntitheach go cúlghabhálach i gcás na n-allmhairí cláraithe.

Airteagal 3

Tiocfaidh an Rialachán seo i bhfeidhm an lá tar éis lá a fhoilsithe in Iris Oifigiúil an Aontais Eorpaigh.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, an 14 Nollaig 2022.

Thar ceann an Choimisiúin

An tUachtarán

Ursula VON DER LEYEN
